

Tâi-oân-jī

Tē 18 kî 2005/03/20

2000 nî 5 gôeh 20 chhòng-khan

Chóng-pian-chip
Pian-chip kap Siat-kè
Publisher

Tēⁿ Si-chong
Koa Khá-lē
Ko-hiông Tâi-gí Lô-má-jī Gián-sip-hōe

I-hák Tâi-gí Gián-thó-hōe

Babuza

Kù-nî 12-gôeh 18 kap 19 nṅ jít, Ko-hiông I-hák Tâi-hák beh kí-pān khó-lêng sī Tâi-oân thâu-chit-pái ê I-hák Tâi-gí Gián-thó-hōe (GTH). Chit-ê GTH sī lán kap Ko-I háp-chok ê chok-phín. Lán hū-chek ê pō-hūn sī an-pâi gī-thêng, chhōe lūn-būn hoat-piáu-jîn kap pō-hūn ê hêng-chèng sū-kang. Kî-tha ê Ko-i chhú-lí. Tēⁿ Si-chong i-su kap góa lóng ū hoat-piáu lūn-būn. Lí Khîn-hōaⁿ kàu-sū kap Chiú Uî-būn kàu-sū mā í Gí-giân-hák-ka ê sin-hūn thê-chhut in tùi tâi-hák ê Tâi-gí-būn kàu-iók ê keng-giām kap thê-gī. Lán kòe-khì phah-piáⁿ lō gōa tang chóng-sī koh ū sin ê sêng-chiū chhut--lâi lah. Che chin thang hō lán kám-kak hoaⁿ-hí kap an-ùi! Hi-bāng āu-bīn koh ū chin-chē

hák-hāu kap

thoan-thé kè-siók chò--lōh--khì. Lán koh kè-siók piáⁿ!

